


50-5-6



隋書

卷之三

特進臣魏徵上

王長述

王長述京兆霸城人也祖羅魏太尉父慶遠周淮州刺史
 長述幼有儀範年八歲周太祖見而異之曰王公有此孫
 足為不朽解褐為散騎侍郎封長安縣伯累遷撫軍將
 軍銀青光祿大夫太子舍人長述早孤少為祖羅所養及
 羅薨居喪過禮有詔復葬之免喪襲封扶風郡公邑三千
 戶除中書舍人脩起居注改封龍門郡公從于謹平江陵
 有功增邑五百戶周受禪又增邑通前四千七百戶拜賓

部大夫出爲晉州刺史轉玉壁總管長史尋授司憲大夫
出拜廣州刺史甚有威惠吏人懷之在任數年蠻夷歸之
者三萬餘戶朝議嘉之就拜大將軍後歷襄仁二州總管
並有能名及高祖爲丞相授信州總管部內夷獠猶有未
賓長迷討平之進位上大將軍王謙作亂益州遣使致書
於長迷因執其使上其書又陳取謙之策上大悅前後賜
黃金五百兩授行軍總管率衆討謙以功進位柱國開皇
初復獻平陳之計修營戰艦爲上流之師上善其能頻加
賞勞下書曰在覽高策深相嘉歎命將之日當以公爲元
帥也後數歲以行軍總管擊南蠻未至道病卒上甚傷惜
之令使者弔祭贈上柱國異州刺史謚曰莊子謨嗣弟軌
大業末東郡通守少子文楷起部郎

李衍

李衍字拔豆遼東襄平人也父弼周太師衍少專武藝慷
慨有志畧周太祖時釋褐千牛備身封懷仁縣公加開府
改封普寧縣公遷義州刺史尋從韋孝寬鎮玉壁城數與
賊戰敵人憚之及平齊以軍功進授大將軍改封真鄉郡
公拜左宮伯賜雜絲三百匹奴婢二十口賜子仲威爵浮
陽郡公後歷定鄜二州刺史及王謙作亂高祖以衍爲行
軍總管從梁睿擊平之進位上大將軍賜練二千匹開皇

元年又以行軍總管討叛蠻平之進位柱國賜帛二千匹
尋檢校利州摠管事明年突厥犯塞以行軍摠管率衆討
之不見虜而還轉介州刺史後數年朝廷將有事江南詔
衍於襄州道管戰船及大舉伐陳授行軍摠管從秦王俊
出襄陽道以功賜帛三千匹米六百石拜安州摠管頗有
惠政歲餘以疾還京師卒於家時年五十七子仲威嗣衍
弟子長雅尚高祖女襄國公主襲父綸爵爲河陽郡公開
皇初拜將軍散騎常侍歷太史侍郎河州刺史檢校秦州
總管衍從孫密別有傳

伊婁謙

伊婁謙字彥恭本鮮卑人也其先代爲酋長隨魏南遷
信中部太守父靈相隆二州刺史謙性忠直善辭令仕魏
爲直閣將軍周受禪累遷宣納上士使持節車騎大將軍
武帝將伐齊引入內殿從容謂曰朕將有事戎馬何者爲
先謙對曰愚臣誠不足以知大事但偽齊僭擅跋扈不恭
沈溺倡優耽昏翹襲其折衝之將斛律明月已斃讒人之
口上下離心道路仄目若命六師臣之願也帝大笑因使
謙與小司寇拓拔倬聘齊觀豐帝尋發兵齊王知之令其
僕射陽休之責謙曰貴朝盛夏徵兵馬首何向謙荅曰僕
憑式之始未聞興師設復西增白帝之城東益巴丘之戍

人情恒理豈足恠哉謙參軍高遵以情輸於齊遂拘留謙
 不遣帝克并州召謙勞之曰朕之舉兵本侯鄉還不圖高
 遵中為叛逆乖朕宿心遵之罪也乃執遵付謙任令報復
 謙頓首請赦之帝曰卿可聚眾唾面令知愧也謙跪曰以
 遵之罪又非唾面之責帝善其言而止謙竟待遵如初其
 寬厚仁恕皆此類也尋賜爵濟陽縣伯累遷前驅中大夫
 大象中進爵為侯加位開府高祖作相授亳州總管俄徵
 還京既平王謙謙耻與逆人同名因爾稱字高祖受禪以
 彥恭為左武侯將軍俄拜大將軍進爵為公數年出為澤
 州刺史清約自處甚得人相傳云職吏人攀戀行數百
 里不絕數歲卒於家時年七十子傑嗣

田仁恭

田仁恭字長貴平涼長城人也父弘周大司空仁恭性寬
 仁有局度在周以明經為掌式中士後以父軍功賜爵
 陰子大冢宰宇文護引為中外兵曹後數載復以父功拜
 開府儀同三司遷中外府掾從護征伐數有戰功改封襄
 武縣公邑五百戶從武帝平齊加授上開府進封浙陽郡
 公增邑二千戶拜幽州總管宣帝時進爵鴈門郡公高祖
 為丞相徵拜小司馬進位大將軍從暹孝寬破尉遲迥於相
 州拜柱國高祖受禪進上柱國拜太子太師甚見親重嘗

堯孝子
幸其第宴飲極歡禮賜殊厚奉詔營廟社進爵觀國公增
邑通前五千戶朱幾拜右武衛大將軍歲餘卒官時年四
亡贈司空謚曰敬子世師嗣次子德懋在孝義傳時有三
城郡公王景鮮震縣公謝慶恩並官至上柱國大義公辛
遵及其弟韶並官至柱國高祖以其俱佐命功臣特詔宗
貴親禮與仁恭等事皆亡失云

元亨

元亨字德良一名孝才河南洛陽人也父李海魏司徒馮
翊王遇周齊分閭李海遂仕長安亨時年數歲與母李氏
在各坊齊神武帝以亨父在關西禁錮之其母則與司空

西冲之女也素有智謀遂詐稱其父死於關西
以其去關西尚遠老婦弱子不以為疑遂許之李氏陰計
大豪李長壽舊亨及孤姪八人潛行草間得至長安周太
祖見而太悅以亨功臣子甚優禮之宣帝十二年魏恭帝在
儲宮引為交友釋褐于牛備身大統末襲爵馮翊王邑千
戶授拜之日悲慟不能自勝俄遷通直散騎常侍歷武衛
將軍勳州刺史改封平涼王周閔帝受禪例降為公明武
時歷隴州刺史御正大夫少司馬宣帝時為洛州刺史高
祖為丞相遇尉遲迥作亂洛陽人梁康邢流水等舉兵應迥
旬日之間衆至萬餘州治中王文舒潛與梁康相結將圖

身身陰知其謀乃選關中兵得三千人為左右執文舒斬
之以兵襲擊梁康邢流氷皆破之高祖受禪徵拜太常卿
增邑五百戶尋出為衛州刺史加大將軍衛土俗薄尊以威
嚴鎮之在職八年風化大洽後以老病表乞骸骨吏人詣
關上表請留卧治上嗟歎者久之其年身以篤疾重請還
京上令使者致醫藥問動靜相習至於道歲餘卒于家時年
六十九謚曰宣

杜整

杜整字白皇京兆杜陵人也祖盛魏直閣將軍頓川太守

父關中刺史整少有風采九歲丁父憂哀毀骨立事母
至孝及長驍勇有旅力好讀孫吳兵法魏大統末龍驤將軍
以親信後事字之護子中山公訓甚被

州刺史整為中平燕加上儀同進爵平原縣公邑千戶入

進封右驍郡侯拜左衛將軍在職數年以母憂去職

起令右驍郡侯六年突厥寇詔遣衛王突總戎北伐以
整為行軍總管兼元帥長安合川無虜而還整密進取

陳之策上善之遂以行軍總管鎮襄陽尋病卒時年五
十五高祖聞而賜之贈帛四百匹米四百石謚曰襄王

嗣官至朔府整牙肅必必志行開皇初為通直散騎常
侍北地太守

李徹

李徹字廣達朔方靈武人也父和開皇初為柱國徹性剛
毅... 武藝大冢字文護引為親... 拜
... 軍都尉護以徹謹厚有才具甚禮之護
... 州刺史護令徹以本官從焉未幾拜車
... 西征吐谷渾以力
... 帝拔晉州及帝班師徹與
... 兵兩上以時

其鋒緯遣其驍將負蘭豹子率勁騎躡憲戰於晉州城此
憲師敗徹與楊素宇文慶等力戰憲軍賴以獲全復從帝
破齊師於汾北乘勝下高壁拔晉陽擒高潛於冀州俱有
力焉錄前後功加開府別封蔡陽縣公邑千戶宣帝即位
從韋孝寬略定淮南每為先鋒及淮南平即授淮州刺史
安集初附甚得其歡心高祖受禪加上開府轉雲州刺史
歲餘徵為左武衛將軍及晉王諱之鎮并州也朝廷妙選
正人有文武才幹者為之寮佐上以徹前代舊臣數持軍
旅詔徹總晉王府軍事進爵齊安郡公時蜀王秀亦鎮益
州上謂侍臣曰安得文同王子相武如李廣達者乎其見

重如此明年突厥沙鉢略可汗犯塞上令衛王爽爲元帥率衆擊之以徹爲長史遇虜於白道行軍總管李充言於爽曰周齊之世有同戰國中夏力分其來久矣突厥每侵邊諸將輒以全軍爲計莫能死戰由是突厥勝多敗少所以每輕中國之師今者沙鉢略悉國內之衆屯據要險必輕我而無備精兵襲之可破也爽從之諸將多以爲疑唯徹獎成其計請與同行遂與充率精騎五千出其不意掩擊大破之沙鉢略棄所服金甲潛草中而遁以功加上大將軍沙鉢略因此屈膝稱藩未幾沙鉢略爲阿拔所侵上疏請援以徹爲行軍總管率精騎一萬赴之阿拔聞而遁去及軍還復領行軍總管屯平涼以備胡寇封安道郡公開皇十年進位柱國及晉王諱轉牧淮海以徹爲揚州總管司馬改封德廣郡公尋徙封城陽郡公其後突厥犯塞徹復領行軍總管擊破之左僕射高頴之得罪也以徹素與頴相善因被踈忌不復任使後出怨言上聞而召之入卧內賜宴言及平生因遇鴆而卒大業中其妻宇文氏爲孽子安遠誣以呪咀伏誅

崔彭

崔彭字子彭博陵安平人也祖楷魏殷州刺史父謙周荆州總管彭少孤事母以孝聞性剛毅有武畧工騎射善周

官尚書曷通大義周武帝時為侍伯上士累轉門正上士
及高祖為丞相周陳王純鎮齊州高祖恐純為變遣彭以
兩騎徵純入朝彭未至齊州三十里因詐病止傳舍遣人
謂純曰天子有詔書至王所彭苦疾不能強步願王降臨
之純疑有變多將從騎至彭所彭出傳舍迎之察純有疑
色恐不就徵因詐純曰王可避人將密有所道純塵從騎
彭又曰將宣詔王可下馬純遽下彭顧其騎士曰陳王不
從詔徵可執也騎士因執而鎖之彭乃大言曰陳王有罪
詔徵入朝左右不得輒動其從者愕然而去高祖見而大
悅拜上儀同及踐祚遷監門郎將兼領右衛長史賜爵安

陽縣男數歲轉車騎將軍俄轉驃騎恒典宿衛性謹密在
省闈二十餘年每當上在仗危坐終日未嘗有怠惰之容
上甚嘉之上每謂彭曰卿當上曰我寢處自安文嘗曰卿
弓馬固以絕人頗知學不彭曰臣少愛周禮尚書每於休
沐之暇不敢廢也上曰試為我言之彭因說君臣戒慎之
義上稱善觀者以為知言後加上開府遷備身將軍上嘗
宴達頭可汗使者於武德殿有鷓鴣於梁上上命彭射之
既發而中上大悅賜錢萬及使者反可汗復遣使於上
曰請得樵將軍一與相見上曰此必善射聞於虜庭所以
來請耳遂遣之及至匈奴中可汗召善射者數十人因擲

肉於野以集飛鳥遣其善射者射之多不中復請彭射之
彭連發數矢皆應弦而落空歡相顧莫不歎服可汗留彭
不遣百餘日上賂以繒綵然後得歸仁壽末進爵安陽縣
公邑二千戶煬帝即位遷左領軍大將軍從幸洛陽彭督
後軍時漢王諒初平餘黨往往屯聚令彭率眾數萬鎮遏
山東復領慈州事帝以其清賜綸五百匹未幾而卒時年
六十三帝遣使弔祭贈大將軍謚曰肅子寶德嗣

史臣曰王長述等或出總方岳或入司禁旅咸著聲績以
功名終有以取之也伊婁謙志量弘遠不念舊惡請赦高
導之罪有國士之風焉崔彭巡警嚴即殺然難犯禦侮之

寄有足稱乎

列傳卷第十九

隋書五十四

列傳卷第二十

隋書卷十五

特進臣魏

徵

上

杜彥

杜彥雲中人也父遷屬葛榮之亂徙家於幽彥性勇果善
 騎射仕周釋褐左侍上士後從柱國陸通擊陳將吳明徹
 於土州破之又擊叛蠻寇倉垣白楊三柵并斬其渠帥進
 平郢州賊帥樊志以戰功拜大都督尋遷儀同治隆山郡
 事明年拜隴州刺史賜爵永安縣伯高祖為丞相從韋孝
 寬擊尉迥於相州每戰有功賜物三千段奴婢三十口進
 位上開府改封襄武縣侯拜魏郡太守開皇初授丹州刺

列傳卷第二十

今

史進爵爲公後六歲徵爲左武衛將軍平陳之役以行軍
總管與新義公韓擒相繼而進軍至南陵賊屯據江岸彥
遣儀同樊子蓋率精兵擊破其柵獲船六百餘艘度江擊
南陵城拔之擒其守將許翼進至新林與擒合軍及陳平
賜物五千段粟六千石進位柱國賜子寶安爵昌陽縣公
高智慧等之作亂也復以行軍總管從楊素討之別解江
州圍智慧餘黨往往屯聚保投溪洞彥水陸兼進攻錦山
陽父若石壁四洞悉平之皆斬其渠帥賊李陀擁衆數千
據彭山彥龍擊破之斬陀傳其首又擊徐州宜豐二洞悉
平之賜奴婢百餘口拜洪州總管甚有治名歲餘雲州總
管賀婁子幹卒上悼惜者久之因謂侍臣曰榆林國之重
鎮安得子幹之輩乎後數日上曰吾思可以鎮榆林者莫
過杜彥於是徵拜雲州總管突厥來寇彥輒擒斬之北夷
畏憚胡馬不敢至塞後數年朝廷復追錄前功賜子寶虔
爵承縣公十八年遼東之役以行軍總管從漢王至營州
上以彥曉習軍旅令總統五十營事及還拜朔州總管突
厥復寇雲州上令楊素擊走之是後猶恐爲邊患以彥素
爲突厥所憚復拜雲州總管未幾以疾徵還卒時年六十
子寶虔大業末文城郡丞

高勳

高勣字敬德勃海脩人也齊太尉清河王岳之子也幼聰敏羨風儀以仁孝聞為齊祖所愛年七歲襲爵清河王十四為青州刺史歷右衛將軍領軍大將軍祠部尚書開府儀同三司改封樂安王性剛直有才幹甚為時人所重斛律明月雅敬之每有征伐則引之為副遷侍中尚書右僕射及後主為周師所敗勣奉太后歸鄴時宦官放縱儀同苟子溢尤稱寵幸勣將斬之以徇太后救之乃釋劉文殊竊謂勣曰子溢之徒言成禍福何得如此勣攘袂曰今者西寇日侵朝貴多叛正由此輩弄權致使衣冠解體若得今日殺之明日受誅無所恨也文殊甚愧既至鄴勣勸後

主五品已上家累悉置三臺之上因齊之曰若戰不捷則燒之此輩惜妻子必當死戰可敗也後主不從遂棄鄴東遁為周軍所得武帝見之與語大悅因問齊亡所由勣發言流涕悲不自勝帝亦為之改容授開府儀同三司高祖為丞相謂勣曰齊所以亡者由任邪佞公父子忠良聞於鄰境宜善自愛勣再拜謝曰勣亡齊末屬世荷恩榮不能扶危定傾以致淪覆既蒙獲宥恩幸已多況復濫叨名位致速官謗高祖甚器之以勣檢校揚州事後拜楚州刺史民安之先是城北有伍子胥廟其俗敬鬼祈禱者必以牛酒至破產業勣歎曰子胥賢者豈宜損百姓乎

乃告諭所部自此遂止百姓賴之七年轉光州刺史上取
陳五策又上表曰臣聞夷凶翦暴王者之懋功取亂侮亡
往賢之雅誥是以苗民逆命爰興兩階之舞有扈不賓終
召六師之伐皆所以寧一寓內匡濟群生者也自昔晉氏
失馭天網絕維群凶於焉蝟起三方因而鼎立陳氏乘其
際運拔起細微積頊縱其長蛇竊據吳會叔寶肆其昏虐
毒被金陵數年已來荒悖滋甚牝雞伺旦睚近茲回尚方
役徒積骸千數疆場防守長戍三年或微行暴露沉湎王
侯之宅或奔馳駿騎顛隊康衢之首有功不賞無辜獲戮
降遂日警言未以為虞耽淫靡慢不知紀極天馱亂德妖賢
人興或空裏時有大聲或行路共傳鬼怪或剗人肝以禱
天狗或自捨身以厭妖訛民神怨憤災異荐發天時人事
昭然可知臣以庸才猥蒙朝寄頻歷藩任與其鄰接密邇
仇讎知其動靜天討有罪此即其時若戎車雷動戎旌電
邁臣雖鴛怯請效鷹犬高祖覽表嘉之答以優詔及大舉
伐陳以勸為行軍總管從宜陽公王世積下陳江州以功
拜上開府賜物三千段隴右諸羌數為寇亂朝廷以勸有
威名拜洮州刺史下車大崇威惠民夷悅附其山谷間生
羗相率詣府稱謁前後至者數千餘戶豪猾屏迹路不拾
遺在職數年稱為治理後遇吐谷渾來寇勸遇疾不能拒

員專其年

員二員

員林其年

員王其年

員三員

員其年

員其年

陸士

陸士

陸士

戰賊遂大掠而去憲司奏勸亡失戶口文官受羌饋遺竟坐免官後卒於家時年五十六子士廉最知文

朱敞

朱敞字乾羅秀容契胡人朱榮之族子也父彥伯官至司徒博陵王齊神武帝韓陵之捷盡誅朱氏敞小隨母養於宮中及年十二自賣而走至于大街見童兒群戲者敞解所著綺羅金翠之服易衣而遁追騎尋至初不識敞便執綺衣兒比究問知非會日已暮由是得免遂入一村見長孫氏媪踞胡床而坐敞再拜求哀長孫氏愍之藏於複壁三年購之愈急迹且至長孫氏曰事急矣不可久留資而遣之遂詐為道士變姓名隱高山略涉經史數年之間人頗異之嘗獨坐巖石之下泫然而歎曰吾且終於此乎伍子胥獨何人也於是間行微服西歸于周太祖見而禮之拜大都督行臺郎中封靈壽縣伯邑千五百戶遷通直散騎常侍轉車騎大將軍儀同三司進爵為侯保定中遷使持節驃騎大將軍開府儀同三司天和增邑五百戶歷信臨熊潼四州刺史進爵為公武帝東征上表求從許之攻城陷陣所當皆破進位上開府除南光州刺史入為護軍大將軍歲餘轉膠州刺史於是迎長孫氏及弟置於家厚資給之高祖受禪改封邊城郡公黔安蠻叛命

置於家厚資給之高祖受禪改封邊城郡公黔安蠻叛命

敬討平之師旋拜金州總管尋轉徐州總管在職數年號
為明肅民吏懼之後以年老上表乞骸骨賜二馬輅車歸
於河內卒於家時年七十二子最嗣

周搖

周搖字世安其先與後魏同源初為普易氏及居洛陽改
為周氏曾祖拔拔祖右六肱俱為北平王父怨延歷行臺
僕射南荊州總管搖少剛果有武藝性謹厚動遵法度仕
魏官至開府儀同三司周閔帝受禪賜姓車非氏封金水
郡公歷鳳楚二州刺史吏民安之從帝平齊每戰有功超
授柱國進封夔國公未幾拜晉州總管時高祖為定州總

管文獻皇后自京師詣高祖路經搖所主禮甚薄既而

后曰公解甚富於財限法不敢輒費又王臣無得効私其

質直如此高祖以其奉法每嘉之及為丞相徙封濟北郡

公尋拜豫州總管高祖受禪復姓周氏開皇初突厥寇邊

燕薊多被其患前總管李崇為虜所殺上思所以鎮之臨

朝曰無以加周搖者拜為幽州總管六州五十鎮諸軍事搖

修鄣塞謹斥候邊民以安後六載徙為壽州初自以年老

乞骸骨上召之既引見上勞之曰公積行累仁歷仕三代

克終富貴保茲遐壽良足善也賜坐褥歸於第歲餘終于

家謚曰恭時年八十四

獨孤楷

獨孤楷字脩則不知何許人也本姓李氏父屯從齊神武帝與周師戰于沙苑齊師敗績因爲柱國獨孤信所擒配爲士伍給使信家漸得親近因賜姓獨孤氏楷少謹厚便弄馬槊爲宇文護執刀累轉車騎將軍其後數從征伐賜爵廣阿縣公邑千戶拜右侍下大夫周末從韋孝寬平淮南以功賜子景雲爵西河縣公高祖爲丞相進授開府每督親信兵及受禪拜右監門將軍進封汝陽郡公數歲遷右衛將軍仁壽初出爲原州總管時蜀王秀鎮益州上徵之猶豫未發朝廷恐秀生變拜楷益州總管馳傳代之果

有異志楷諷諭久之乃就路楷察秀有悔色因勒兵爲備秀至興樂去益州四十餘里將反襲楷密令左右覘所爲知楷不可犯而止楷在益州甚有惠政蜀中父老于今稱之煬帝即位轉并州總管遇疾喪門上表乞骸骨帝曰公先朝舊臣歷職二代高風素望卽以鎮之無勞躬親薄領也遣其長子陵雲監省郡事其見重如此數載轉長平太守未視事而卒謚曰恭子凌雲平雲彥雲皆不知名楷弟盛見誠節傳

乞伏慧

乞伏慧字令和馬邑鮮卑人也祖周魏銀青光祿大夫父

纂金紫光祿大夫並爲第一領民酋長慧少慷慨有大節
便弓馬好鷹犬齊文襄帝時爲行臺左丞加蕩寇將軍累
遷右衛將軍太僕卿自永寧縣公封宜民郡王其兄貴和
又以軍功爲王一門二王稱爲貴顯周武平齊授使持節
開府儀同大將軍拜伏飛右旅下大夫轉熊渠中大夫高
祖爲丞相從韋孝寬擊尉惲於武陟所當皆破授大將軍
賜物八百段及平尉迴進位柱國賜爵西河郡公邑三千
戶資物二千三百段請以官爵讓兄朝廷不許論者義之
高祖受禪拜曹州刺史曹土舊俗民多竄隱戶口簿帳恒
不以實慧下車按察得戶數萬遷涼州總管先是突厥屢爲
寇抄慧於是嚴警烽燧遠爲斥候虜亦素憚其名竟不入
境歲餘轉齊州刺史得隱戶數千遷壽州總管其年左轉
杞州刺史在職數年遷徐州總管時年逾七十上表求致
仕不許俄轉荊州總管又領潭桂二州總管三十一州諸
軍事其俗輕剽慧躬行樸素以矯之風化大洽曾見人以
簍捕魚者出綯買而放之其仁心如此百姓美之號其處
曰西河公簍轉秦州總管煬帝即位爲天水太守大業五
年征吐谷渾郡濱西境民苦勞役又遇帝西巡坐爲道不
整獻食踈薄帝大怒命左右斬之見其無髮乃釋除名爲
民卒於家

張威

張威不知何許人也父琛魏弘農太守威少惆儻有大志善騎射旅力過人在周數從征伐位至柱國京兆尹封長壽縣公邑千戶王謙作亂高祖以威為行軍總管從元帥梁睿擊之軍次通谷謙守將李三王擁勁兵拒守睿以威為先鋒三王初閉壘不戰威令人書侮以激怒之三三果出陣威令壯士奮擊三王軍潰大兵繼至於是擒斬四千餘人進至開遠謙將趙儼眾十萬連營三十里威鑿山通道烏領攻其背儼遂敗走追至成都與謙大戰威將中軍及謙平進位上柱國拜濶州總管高祖受禪歷幽洛三州

總管改封晉熙郡公尋拜河北道行臺僕射後督晉王軍府事數年拜青州總管賜錢八十萬米五百石雜綵三百段威在青州頗治產業遺家於民間鬻薑蔥服根其奴緣此侵擾百姓上深加譴責坐放於家後從上祠太山至洛陽上謂威曰自朕之有天下每委公以重鎮可謂推赤心矣何乃不脩名行唯利是規直孤負朕心亦且累御名德因問威曰公所執笏今安在威頓首曰臣負罪虧憲無顏復執謹藏於家上曰可持來威明日奉笏以見上曰公雖不遵法度功效實多朕不斥之今還公笏於是復拜洛州刺史後封皖城郡公尋轉相州刺史卒官有子植大業

中至武賁郎將

和洪

和洪汝南人也少有武力勇烈過人周武帝時數從征伐以戰功累遷重騎大將軍俄同三司時龍州蠻任公折李國立等聚眾為亂刺史獨孤善不能禦朝議以洪有武畧代善為刺史月餘擒公折國立皆斬首梟之餘黨悉平從帝攻河陰洪力戰陷其西門帝壯之賞物千段復從帝平齊進位上儀同賜爵北平侯邑八百戶拜左勳曹下大夫柱國王軌之擒吳明徹也洪有功焉加位開府遷折衝中大夫尉迴作亂相州以洪為行軍總管從韋孝寬擊之軍

至河陽迴遣兵圍懷州洪與總管宇文述等擊走又破尉迴於武陟及平相州每戰有功拜柱國封廣武郡公邑二千戶前後賜物萬段奴婢五十口金銀各百挺牛馬百匹時東夏初平物情尚梗高祖以洪有威名令領冀州事甚得人和數歲徵入朝為漕渠總管監轉拜泗州刺史屬突厥寇邊詔洪為北道行軍總管擊走虜至磧而還後遷徐州總管卒時年六十四

侯莫陳穎

侯莫陳穎字導道代人也與魏南遷世為列將父崇魏周之際歷職顯要官至大司空穎少有器量風神警發為時

董所推魏大統末以父軍功賜爵廣平侯累遷開府儀同
三司周武帝時從滕王道擊龍泉文城叛胡與柱國巨盧
勳各帥兵分路而進穎懸軍五百餘里破其三柵先是稽
胡叛亂輒略邊人為奴婢至是詔胡敢有壓匿良人者誅
籍沒其妻子有人言為胡村所隱匿者勳將誅之穎謂勳
曰將在外君命有所不行諸胡固非悉反但相迫脅為亂
耳大兵臨之自亂者知懼脅從者思降今漸加撫慰自可
不戰而定如即誅之轉相驚恐為難不細未若召其渠帥
以隱匿者付之令自歸首則群胡可安勳從之群胡感悅
爭來降附北土以安遷司武加振威中大夫高祖為丞相

拜昌州刺史會受禪竟不行加上開府進爵昇平郡公俄
拜延州刺史數年轉陳州刺史平陳之役以行軍總管從
秦王俊出魯山道屬陳將荀法尚陳紀降穎與行軍總管
段文振度江安集初附尋拜饒州刺史未之官遷瀛州刺
史甚有惠政在職數年坐與秦王俊交通免官百姓將送
者莫不流涕因相與立碑頌穎清德未幾檢校汾州事俄
拜邢州刺史仁壽中吏部尚書牛弘持節巡撫山東以穎
為第一高祖嘉歎優詔褒揚時朝廷以嶺南刺史縣令多
貪鄙變夷怨叛妙簡清吏以鎮撫之於是徵穎入朝及進
見上與穎言及平生以為歡笑數日進位大將軍拜桂州

總管十七州諸軍事賜物而遣之及到官大崇恩信民夷
悅服溪洞生越多來歸附煬帝即位穎兄梁國公芮坐事
徙邊朝廷恐穎不自安徵歸京師數年拜恒山太守其年
嶺南閩越多不附帝以穎別在桂州有惠政爲南土所信
伏復拜南海太守後四歲卒官謚曰定子虔會最知名
史臣曰杜彥東夏南服屢有戰功作鎮朔垂明塵不起高
勩死亡之際志氣凜然疾彼姦邪致茲餘慶亦朱啟幼有
權奇終能止足崇基墜而復構不亦仁且智乎周搖以質
實見知獨孤以恤人流譽乞伏慧能以國讓侯莫陳所居
治理或知牧人之道或踐仁義之路皆有可稱焉慧以悃
不厚至於放黜並結髮登朝出入三代終享祿位不夫性
嚴蓋其任心而行不爲矯飾之所致也

列傳卷第二十

隋書五十五

列傳卷第二十一

隋書卷十六

盧愷

特進臣魏

徵

上

盧愷字長仁涿郡范陽人也父柔終於魏中書監愷性孝友神情爽悟略涉書記頗解屬文周齊王憲引為記室其後襲爵容城伯邑千一百戶從憲伐齊愷說柏杜鎮下之遷小吏部大夫增邑七百戶染工上士王神歡者嘗以賂自進家子宇文護擢為計部下大夫愷諫曰古者登高能賦可為大夫求賢審官理須詳慎今神歡出自染工更無殊異徒以家富自進遂與搢紳並列實恐惟鷄之刺聞之

外境護竟寢其事建德中增邑二百戶歲餘轉內史下大
夫武帝在雲陽宮勅諸屯簡老牛欲以享士愷進諫曰昔
田子方贖老馬君子以為美談向奉明勅欲以老牛享主
有虧仁政帝美其言而上轉禮部大夫為聘陳使副先是
行人多從其國禮及愷為使一依本朝陳人莫能屈四年
秋李穆發軔關柏崖二鎮命愷作露布帝讀之大悅曰盧
愷文章大進荀景倩故是今君之子尋授襄州總管司錄
轉治中大象元年徵拜東京吏部大夫開皇初加上儀同
三司除尚書吏部侍郎進爵為侯仍攝尚書左丞每有敷
奏侃然正色雖逢喜怒不改其常帝嘉愷有吏幹賜錢

十萬并賚雜綵三百匹加散騎常侍八年上親考百寮以
愷為上愷固讓不敢受高祖曰吏部勤幹舊所聞悉公者
上考僉議攸同當仁不讓何愧之有昔在朕心無勞飾讓
歲餘拜禮部尚書攝吏部尚書事會國子博士何妥與右
僕射蘇威不平奏威陰事愷坐與相連上以愷屬吏憲司
奏愷曰房恭懿者尉遲迥之黨不當仕進威愷二人曲相薦
達累轉為海州刺史又吏部預選者甚多愷不即授官皆
注色而遣威之從父弟徹肅二人並以鄉正徵詣吏部徹
文狀後至而先任用肅左足癱蹇才用無算愷以威故授
朝請郎愷之用當事甚明白上大怒曰愷敢將天官以為

平請天鄭五辛三國味十日人學
平請天鄭四辛十二國味一日人學
謀天鄭三辛十二國味一日人學
平請天鄭三辛十二國味一日人學

平請天鄭三辛十二國味一日人學

私惠愷免冠頓首曰皇太子將以通事舍人蘇夔為舍人
夔即蘇威之子臣以夔未當遷固啓而止臣若與威有私
豈當如此上曰蘇威之子朝廷共知卿乃固執以徼身倖
至所不知者便行朋附姦臣之行也於是除名為百姓朱
錢卒于家自周氏以降選無清濁及世攝吏部與薛道衡
陸彥師等甄別士流故涉黨固之譖遂及於此子義恭嗣

令狐熙

令狐熙字長熙燉煌人也代為西州豪右父整仕周官至
大將軍始豐二州刺史熙性嚴重有雅量雖在私室終日
儼然不妄通賓客凡所交結必一時名士博覽群書尤明

三禮音騎射頗知音律起家以通經為吏部上士尋授帥
都督輔國將軍轉夏官府都上士俱有能名以母憂去職
殆不勝喪其父戒之曰大孝在於安親義不絕嗣吾今見
存汝又隻立何得過爾毀頓貽吾憂也熙自是稍加饘粥
服闋除小駕部復丁父憂非杖不起人有聞其哭聲莫不
為之下泣江陰之役詔令墨綬從事還授職方下大夫襲
爵彭陽縣公邑二千一百戶及武帝平齊以留守功增邑
六百戶進位儀同歷司勳吏部曹中大夫甚有當時之譽
高祖受禪之際熙以本官行納言事尋除司徒左長史加
上儀同進爵河南郡公時吐谷渾寇邊以行軍長史從元

帥元諧討之以功進位上開府會蜀王秀出鎮於蜀綱紀
之選咸屬正人以熙為益州總管長史未之官拜滄州刺
史時山東承齊之弊戶口簿籍類不以實熙曉諭之令自
歸首至者一萬戶在職數年風教大洽稱為良二千石開
皇四年上幸洛陽熙來朝吏民恐其遷易悲泣於道及熙
復還百姓出境迎謁歡叫盈路在州獲白鳥白鷹嘉祥有
露降於庭前柳樹八年徙為河北道行臺度支尚書吏民
追思相與立碑頌德及行臺廢授并州總管司馬後復為
雍州別駕尋為長之遷鴻臚卿後以本官兼吏部尚書往
判五曹尚書事號為明幹上甚任之及上祠太山還次汴

州惡其殷盛多有女奴於是上以熙為汴州刺史下車禁游
食抑工商民有向姓開門者杜之船客停於郭外星居者
勒為聚落僑人逐令歸本其有滯獄並決遣之令行禁止
稱為良政上聞而嘉之顧謂侍臣曰鄴都天下難理處也
勅相州刺史豆盧通令習熙之法其年來朝考績為天下
之最賜帛三百匹頒告天下可上以嶺南夷越數為反亂徵
拜桂州總管上七州諸軍事許以便宜從事刺史以下官
得承制補授給帳內五百人賜帛五百匹發傳送其家累
改封武康郡公熙至部大弘恩信其溪洞渠帥更相謂曰
前時總管皆以其威相脅今者乃以手教相諭我輩其可

達乎於是相率歸附先是州縣生梗長吏多不得之官寄
政於總管府熙悉遣之為建城邑開設學校華夷感敬稱
為大化時有寧猛力者與陳後主同日生自言貌有貴相
在陳日已據南海平陳後高祖因而撫之即拜安州刺史
然驕倨恃其阻險未嘗參謁熙手書諭之申以交友之分
其母有疾熙復遣以藥物猛力感之詣府請謁不敢為非
熙以州縣多有同名者於是奏改安州為欽州黃州為峯
州利州為智州德州為驩州東寧為融州上皆從之在職
數年上表曰臣忝寄嶺表四載于茲大馬之年六十有一
才輕任重愧懼深常願收拙避賢稍免官謗然所管遐
曠綏撫尤難雖未能頓革東風頗亦漸識皇化但臣夙
消渴比更增甚筋力精神轉就衰邁昔在壯齒猶不如
况今年疾俱侵豈可猶當重寄請解所任優詔不許賜以
醫藥熙奉詔令交州渠帥李佛子入朝佛子欲為亂請至
仲冬上道熙意在羈縻遂從之有人詣闕密熙受佛子賂
而捨之上聞而固疑之既而佛子反問至上大怒以為信
然遣使者鎖熙詣闕熙性素剛鬱鬱不得志行至永州憂
憤發病而卒時年六十三上怒不解於是沒其家財及行
軍總管劉方擒佛子送於京師言熙實無贓貨上乃悟於
是召其四子聽預仕焉少子德茶最知名

薛冑

薛冑字紹玄河東汾陰人也父端周蔡州刺史冑少聰明每覽異書便曉其義常歎訓注者不會聖人深旨輒以意辯之諸儒莫不稱善性慷慨志立功名周明帝時襲爵文城郡公累遷上儀同尋拜司金大夫後加開府高祖受禪擢拜魯州刺史未之官檢校廬州總管事尋除兗州刺史及到官繫囚數百冑剖斷旬日便了囚圜空虛有陳州人向道力者偽作高平郡守符之官冑遇諸塗察其有異將留詰之司馬王君馥固諫乃聽詣郡既而悔之即遣主簿追禁道力有部人徐俱羅者嘗任海陵郡守先是已為道力偽代之比至秩滿公私不悟俱羅遂詔君馥曰向道力以經代俱羅為郡使君豈容疑之君馥以俱羅所陳又固請冑冑呵君馥曰吾已察知此人詐也司馬容姦當連其坐君馥乃止遂往收之道力懼而引偽其姦姦猶伏皆此類也時人謂為神明先是兗州城東沂泗二水合而南流汎濫大澤中冑遂積石堰之使決令西注陂澤盡為良田又通轉運利盡淮海百姓賴之號為薛公豐兗渠冑以天下太平登封告禪帝王盛烈遂遣博士登太山觀古跡撰封禪圖及儀上之高祖謙讓不許後轉郢州刺史前後俱有惠政徵拜衛尉卿尋轉大理卿持法寬平名為稱職後

遷刑部尚書時左僕射高頴稍被疎忌及王世積之誅也
頴事與相連上因此欲成頴罪曹明雪之正議其獄由是
忤旨械繫之久而得免檢校相州事其有能名會漢王諒
作亂并州遣偽將蔡良東略地攻逼慈州刺史上官政請
援於曹曹畏諒兵鋒不敢拒良又引兵攻曹曹欲以計却
之遣親人曹世範說良曰天下事未可知曹爲人臣去就
須得其所何遽相文也良於是釋去進圍黎陽及良爲史
祥所攻棄軍歸曹朝廷以曹懷貳心鎖詣大理相州吏人
素懷其恩詣闕理曹者百餘人曹竟坐除名配防嶺南道
病卒有子筠獻並知名

宇文弼

宇文弼字公輔河南洛陽人也其先與高同出祖直力也
魏鉅鹿太守父琮周宕州刺史弼慷慨有大節博學多通
仕周爲禮部上士嘗奉使鄗至國及黑水龍涸諸羌前後
降附三十餘部及還奉詔修定五禮書成奏之賜公田十
二頃粟百石累遷少吏部擢八人爲縣令皆有異績時以
爲知人轉內史都上士武帝將出兵河陽以伐齊謀及臣
下弼進策曰齊氏建國于今累葉雖曰無道藩屏之寄尚
有其人今之用兵須擇其地河陽衝要精兵所聚盡力攻
圍恐難得志如臣所見彼汾之曲成小山卒攻之易拔用

武之地莫過於此願陛下詳之帝不納師竟無功建德五
年大舉伐齊卒用弼計弼於是募三輔豪俠少年數百人
以爲別隊從帝攻拔晉州身被三瘡苦戰不息帝奇而壯
之後從帝平齊以功拜上儀同封武威縣公邑千五百戶
賜物千五百段奴婢百五十口馬牛羊千餘頭拜司州總
管司錄宣帝崩位遷左守廟大夫時突厥寇甘州帝令侯
莫陳昶率兵擊之弼爲監軍弼謂昶曰黠虜之勢來如激
矢去若絕絃若欲追躡良爲難及且宜選精騎直趨祈連
之西賊若收軍必自蓼泉之北此地險隘兼復下濕度其
人馬三日方度緩急追討何慮不及彼勞我逸破之必矣

若邀此路真上策也昶不能用之西取合黎大軍行遲
已出塞其年弼又率兵從梁士彥攻拔壽陽尋改封安樂
縣公增邑六百戶賜物六百段加以口馬除澧州刺史俄
轉南司州刺史後司馬消難之奔陳也弼追之不及遇陳
將樊毅戰於漳口自旦及午三戰二捷虜獲三千人除黃
州刺史尋轉南定州刺史開皇初以前功封平昌縣公加
邑一千二百戶入爲尚書右丞時西羌內附詔弼持節安
集之置鹽澤蒲昌二郡而還遷尚書左丞當官正色爲百
寮所憚三年突厥寇甘州以行軍司馬從元帥竇榮定擊
破之還除太僕少卿轉吏部侍郎平陳之役楊素出信州

道令攷持節爲諸軍節度仍領行軍總管劉仁恩之破
陳將呂仲肅也攷有謀焉加開府擢拜刑部尚書領天
子虞候率上嘗親臨釋奠攷與博上論議詞致清遠觀
者屬目上大悅顧謂侍臣曰朕今觀周公之制禮見宣尼
之論孝實慰朕心於是頒賜各有差時朝廷以晉陽爲重
鎮并州總管必屬親王其長史司馬亦一時高選前長史
王韶卒以攷有文武幹用出爲并州長史俄以父艱去職
尋詔起之十八年遼東之役授元帥漢王府司馬仍尋領
行軍總管軍還之後歷朝代吳三州總管皆有能名煬帝
即位徵拜刑部尚書仍持節巡省河北還除泉州刺史

餘復拜刑部尚書尋轉禮部尚書既以才能著稱歷職
顯要聲望甚重物議時談多見推許帝頗忌之時帝漸好
聲色尤勤遠畧攷謂高頴曰昔周天元好聲色而國亡以
今方之不亦甚乎又言長城之役幸非心務有人奏之竟
坐誅死時年六十二天下冤之所甚辭賦二十餘萬言爲
尚書孝經注行於時有子儉瓊

張衡

張衡字建平河內人也祖疑魏河陽太守父光周萬州刺
史衡幼懷志尚有骨鯁之風年十五詣太學受業研精覃
思爲同輩所推周武帝居太后憂左右出獵衡露髮輿

四十一
欽定四庫全書
魏書卷之九十一
九
攬扣馬切諫帝嘉焉賜衣一襲馬一匹擢拜漢王侍讀衛
又就沈重受三禮畧究大旨累遷掌朝大夫高祖受禪拜
司門侍郎及晉王廣爲河北行臺衛歷刑部度支二曹郎
後以臺廢拜并州總管掾及王轉牧揚州衛復爲掾王甚
親任之衛亦竭慮盡誠事之奪宗之計多衛所建也以母
憂去職歲餘起授揚州總管司馬賜物三百段開皇中熙
州李英林聚眾反署置百官以衛爲行軍總管率步騎五
萬人討平之拜開府賜奴婢一百五十口物五百段金銀
雜畜稱是及王爲皇太子拜衛右庶子仍領給事黃門侍
郎煬帝嗣位除給事黃門侍郎進位銀青光祿大夫俄遷

御史大夫甚見親重大業三年帝幸榆林郡還至太原謂
衛曰朕欲過公宅可爲朕作主人衛於是馳至河內與宗
族具牛酒帝上太行開直道九十里以抵其宅帝悅其山
泉留宴三日因謂衛曰往從先皇拜太山之始塗經洛陽
瞻望於此深恨不得相過不謂今日得諧宿願衛俯伏辭
謝奉觴上壽帝益歡賜其宅傍田三十頃良馬一匹金帶
練練六百段衣一襲御食器一具衛固讓帝曰天子所至
稱幸者蓋爲此也不足爲辭衛復獻食於帝帝令頒賜公
卿下至衛士無不霑洽衛以藩邸之舊恩寵莫與爲比頗
自驕貴明年帝幸汾陽宮宴從官特賜絹五百匹帝欲大

汾陽官令衡與紀弘整具圖奏之衡承間進諫曰比年勞
役繁多百姓疲弊伏願留神稍加折損帝意甚不平後嘗
目衡謂侍臣曰張衡自謂由其計畫令我有天下也時齊
王暕失愛於上帝密令人求暕罪失有人譖暕違制將伊
闕令皇甫誦從之汾陽官又錄前幸濟郡及祠相岳時父
老謁見者衣冠多不整帝譴衡以憲司皆不能舉正出為
榆林太守明年帝復幸汾陽官衡督役築樓頽城因而謁
帝帝惡衡不損瘦以為不念各因謂衡曰公甚肥澤宜且
還郡衡復之榆林俄而勅衡督役江都官有人詣衡訟官
監者衡不為理還以訟書付監其人大為監所困禮部尚

書衡使至江都其人詣玄感稱冤玄感固以衡為不
可及與衡相見未有所言又先謂玄感曰薛道衡真為枉
死玄感具上其事江都丞王世充又奏衡頽減頓具帝於
是發怒遣衡詣江都市將斬之久而乃釋除名為民放還
田里帝每令親人覘衡所為八年帝自遼東還都衡妻言
衡怨望謗訕朝政竟賜盡于家臨死大言曰我為人作何
物事而望久活監刑者塞耳促令殺之義寧中以死非其
罪贈大將軍南陽郡公謚曰忠有子希玄

新齊門子 楊汪

楊汪字元慶弘農華陰人也曾祖順徙居河東父琛儀

同三司及汪貴追贈平鄉縣公汪以凶踈好與人群鬪拳
所歐擊無不顛踣長更折節勤學專精左氏傳通三禮解
褐周翼王侍讀王甚重之每日楊侍讀德業優深孤之穆
生也其後問禮於沈重受漢書於劉臻二人推許之曰吾
弗如也由是知名累遷夏官府都士士及高祖若相引知
兵車遷掌朝下太夫高祖受禪賜爵平鄉縣伯邑二百戶
歷尚書司勳兵部二曹侍郎秦州總管長史名為明幹遷
尚書左丞坐事免復歷荆洛二州長史每聽政之暇必延
生徒講授時人稱王以年高祖謂諫議大夫王達曰卿為
我覓一好左丞王於汪曰我當薦君為左丞若事果

當以良田相報也汪以達所言奏之達竟以獲罪卒拜汪
為尚書左丞汪明習法令果於剖斷當時號為稱職煬帝
即位守大理卿汪視事二日帝將親省囚徒其時繫囚二
百餘人汪通宵守審詰朝而奏曲盡事情一無遺誤帝甚
嘉之歲餘拜國子祭酒帝令百家就學與汪講論天下通
儒碩學多萃焉論難鋒起皆不能屈帝令御史書其問答
奏之省而大悅賜良馬一匹大業中為銀青光祿大夫及
揚玄感反河南賫治裝弘策出師禦之戰不利弘策出還
遇汪而屏人交語既而留守樊子蓋斬弘策以狀奏汪帝
疑之出為梁郡通守後李密已逼東都其徒頰冠梁郡汪

勒兵拒之頗從其銳煬帝崩王世充推越王侗為主徵拜
吏部尚書頗親委及世充僭號汪復用事世充平以克
黨誅死

史臣曰虞世績諫說可稱令狐熙所居而治薛寶執憲平允
宇文弼聲望攸歸張衡以鯁正立名揚汪以學業自許然
皆有善始鮮克令終九仞之基俱傾於一匱惜哉夫忠為
令德施非其人尚或不可况託足邪徑而又不得其人者
歟語曰無為權首將受其咎又曰無始禍無召亂張衡既
召亂源豈為權首動不以順其能不及於此乎

列傳卷第二十一

隋書五十六

山田軍入一十二

五外

本備軍

中如軍人

對對軍人

